

REGIONAL NEWS UNIT  
ALL INDIA RADIO, AGARTALA  
Date: 16-04-2024  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) অষ্টাদশ লোকসভা প্রথম পর্যায়ের নির্বাচনের সরব প্রচার শেষ হচ্ছে আগামীকাল ।
- (২) পূর্ব ত্রিপুরা লোকসভা আসনে ৮৫ উর্ধ্ব ভোটার ও দিব্যাঙ্গ ভোটারদের জন্য বাড়ি বাড়ি গিয়ে ভোট গ্রহণের কাজ আগামীকাল শুরু হয়েছে ।
- (৩) বিজেপি'র বরিষ্ঠ নেতা, প্রধানমন্ত্রী নরেন্দ্র মোদি আগামীকাল দলীয় প্রচারে রাজ্যে আসছেন । জাতীয় কংগ্রেসের সর্বভারতীয় সাধারণ সম্পাদিকা প্রিয়াঙ্কা গান্ধী আজ বিকেলে আগরতলায় এক রোড শো-তে অংশ নেন ।
- (৪) টিসিএ পরিচালিত মহিলাদের ঘরোয়া একদিনের সীমিত ওভারের ক্রিকেট প্রতিযোগিতার গ্রুপ পর্বের শেষ দুটি খেলায় আজ এডি নগর কোচিং সেন্টার ও ব্লাডমাউথ ক্লাব জয়লাভ করেছে ।

\*\*\*\*\*

CEO on Election campaign, security :

অষ্টাদশ লোকসভা প্রথম পর্যায়ের নির্বাচনের সরব প্রচার শেষ হচ্ছে আগামীকাল। সে হিসাবে পশ্চিম ত্রিপুরা লোকসভা আসনের নির্বাচন ও রামনগর বিধানসভার কেন্দ্রের উপনির্বাচনের সরব প্রচার আগামীকাল বিকেল ৫টায় শেষ হবে। মুখ্য নির্বাচনী আধিকারিক পুনীত আগরওয়াল আজ আগরতলায় সাংবাদিকদের জানান, আগামী ১৯শে এপ্রিল পশ্চিম ত্রিপুরা লোকসভা আসনের নির্বাচন ও রামনগর বিধানসভা কেন্দ্রের উপনির্বাচন সুষ্ঠুভাবে সম্পন্ন করার জন্য ব্যাপক নিরাপত্তা ব্যবস্থা গ্রহণ করা হয়েছে। সরব প্রচার শেষ হবার পর কোনও ধরনের মিছিল, সভা করা যাবে না। সমস্ত নাকা পয়েন্টে নিরাপত্তা বাহিনীর নজরদারি বাড়ানো হবে। পুলিশ, টিএসআরের সঙ্গে কেন্দ্রীয় আধা সামরিক বাহিনী ও এই নজরদারিতে নিয়োজিত থাকবে। সীমান্তে কড়া নজরদারি রাখতে বিএসএফকে নির্দেশ দেওয়া হয়েছে। শ্রী আগরওয়াল জানান, আগামী ১৮ই এপ্রিল ভোটকর্মীরা সকাল থেকেই ভোট গ্রহণ কেন্দ্রের উদ্দেশে রওনা দিতে শুরু করবেন।

\*\*\*\*\*

#### **Dhalai DM PRESS MEET :**

পূর্ব ত্রিপুরা লোকসভা আসনে ৮৫ উর্ধ্ব ভোটার ও দিব্যাঙ্গ ভোটারদের জন্য বাড়ি বাড়ি গিয়ে ভোট গ্রহণের কাজ আগামীকাল থেকে শুরু হয়েছে। তা চলবে বৃহস্পতিবার পর্যন্ত। এদিকে, ধলাই জেলাশাসকের কার্যালয়ে আজ এক সর্বদলীয় বৈঠক অনুষ্ঠিত হয়। এই বৈঠকে উপস্থিত ছিলেন রিটার্নিং অফিসার সাজু ওয়াহিদ এ, অতিরিক্ত জেলাশাসক বিবেক এইচ বি, জেলার অতিরিক্ত পুলিশ সুপার মানবেন্দ্র চৌধুরী।

\*\*\*\*\*

**Modi visit-preparation :**

পশ্চিম ত্রিপুরা লোকসভা আসন ও রামনগর বিধানসভা কেন্দ্রের উপনির্বাচনের শেষ দিন আগামীকাল। সব প্রচারের শেষ দিন শেষ লগ্নে বিজেপি এবং ইন্ডিয়া জোটের জমজমাট নির্বাচনী প্রচার চলছে।

বিজেপির বরিষ্ঠ নেতা, প্রধানমন্ত্রী নরেন্দ্র মোদি আগামীকাল রাজ্যে আসছেন। তিনি বেলা একটায় আগরতলার স্বামী বিবেকানন্দ ময়দানে জনসভায় ভাষণ দেবেন। সেই উপলক্ষে আজ নিরাপত্তা সহ বিভিন্ন ব্যবস্থা খতিয়ে দেখতে সভাস্থলে যান মুখ্যমন্ত্রী অধ্যাপক ডাঃ মানিক সাহা। সঙ্গে ছিলেন বিজেপি রাজ্য সভাপতি রাজীব ভট্টাচার্য, অর্থমন্ত্রী প্রণজিৎ সিংহ রায় সহ অন্যান্য কার্যকর্তারা। মুখ্যমন্ত্রী আগামীকালের সমাবেশের কাজে নিযুক্ত কর্মকর্তাদের প্রয়োজনীয় বিষয়গুলির দিকে নজর রাখতে পরামর্শ দেন ও কোনো সমস্যা সমাধানে প্রয়োজনীয় ব্যবস্থা গ্রহণের নির্দেশ দেন। উল্লেখ্য আজ ও আগামীকাল সভাস্থল সহ আশেপাশের জায়গাগুলিতে বিশেষ নিরাপত্তা গ্রহণ করা হয়েছে।

আজ বিজেপি প্রদেশ কার্যালয়ে বিজেপি প্রদেশ মুখপাত্র সুব্রত চক্রবর্তী বলেন আগামীকালের সমাবেশ একটি ঐতিহাসিক সমাবেশ হতে চলেছে। শ্রী চক্রবর্তী সিপিআই এম ও কংগ্রেস এর নির্বাচনী ইস্তেহারকে জনস্বার্থ বিরোধী ও রাষ্ট্রবিরোধী বলে আখ্যা দেন।

\*\*\*\*\*

**Priyanka Gandhi :**

জাতীয় কংগ্রেসের সৰ্বভাৰতীয় সাধাৰন সম্পাদিকা প্ৰিয়াঙ্কা গান্ধী আজ বিকেলে ৰাজ্যে পৌঁছে ইন্ডিয়া জোট প্ৰাৰ্থীদেৰ সমৰ্থনে আগৰতলা শহৰে এক ৰোড শো-তে সামিল হন। এমবিবি বিমানবন্দৰে দলীয় নেতৃত্বৰা তাকে স্বাগত জানান এৰপৰ সৰ্কিট হাউস থেকে ৰোড শো শুৰু হয়। শহৰেৰ বিভিন্ন পথ পৰিক্ৰমাৰ পৰ তা শেষ হয় দুৰ্গা চৌমুহনীতে। ৰোড শো চলাকালীন সময়ে বক্তব্য ৰাখতে গিয়ে প্ৰিয়াঙ্কা গান্ধী দেশে বেকাৰত্ব প্ৰসঙ্গ উল্লেখ কৰে কেন্দ্ৰীয় সৰকাৰেৰ তীব্ৰ সমালোচনা কৰেন। তিনি বলেন, কংগ্ৰেস ক্ষমতায় এলে বেকাৰদেৰ কৰ্মসংস্থানে সুনিৰ্দিষ্ট পৰিকল্পনা গ্ৰহণ কৰা হবে। এই ৰোড শো-তে প্ৰিয়াঙ্কা গান্ধীৰ সঙ্গে ছিলেন বিৰোধী দলনেতা জিতেন্দ্ৰ চৌধুৰী, বিধায়ক সুদীপ ৰায় বৰ্মন, গোপাল ৰায়, পশ্চিম ত্ৰিপুৰা লোকসভা আসনেৰ কংগ্ৰেস প্ৰাৰ্থী আশীষ কুমাৰ সাহা, ৰামনগৰ বিধানসভা কেন্দ্ৰেৰ উপনিৰ্বাচনে সিপিআইএম প্ৰাৰ্থী ৰতন দাস, কংগ্ৰেস নেত্ৰী জাৰিতা লাইতফ্ৰাং।

\*\*\*\*\*

#### **Postal Ballots-KAILASHAHAR :**

উনকোটি জেলায় কৰ্মৰত সৰকাৰি কৰ্মী-আধিকাৰিক, যাৰা পশ্চিম ত্ৰিপুৰা সংসদীয় আসনেৰ ও ৰামনগৰ বিধানসভাৰ উপ-নিৰ্বাচনেৰ ভোটাৰ তাঁদেৰ পোষ্টাল ব্যালেটে ভোটদান আজ থেকে শুৰু হয়েছে। চলবে আগামীকাল পৰ্যন্ত। উনকোটি জেলাৰ দুটি Facilitation Centre এ পোষ্টাল ব্যালেটে ভোটগ্ৰহণ কৰা হচ্ছ। এগুলি হ'লো-কৈলাশহৰেৰ ৰাধাকিশোৰ ইনষ্টিটিউশন ও কুমাৰঘাটেৰ উচ্চতৰ মাধ্যমিক বালিকা বিদ্যালয়। সৰ্বমোট ৫৭৩ জন সৰকাৰী কৰ্মচাৰী ও পুলিশ কৰ্মী সুবিধাদান কেন্দ্ৰ গুলিতে পোষ্টাল ব্যালেটে ভোটাধিকাৰ প্ৰয়োগ কৰছেন। উনকোটি জেলাৰ

জেলা নির্বাচন আধিকারিক তথা জেলা শাসক দিলীপ কুমার চাকমা জানান -সুষ্ঠু ও সুচারুভাবে পোষ্টাল ব্যালেটে ভোটগ্রহণ প্রক্রিয়া সম্পন্ন করতে প্রয়োজনীয় সবধরনের ব্যবস্থা গ্রহণ করা হয়েছে।

\*\*\*\*\*

#### **Road Accident :**

ঊনকোটি জেলার পেঁচারথল থানাধীন আসাম-আগরতলা জাতীয় সড়কের সিদংছড়া এলাকায় আজ দুপুরে এক সড়ক দুর্ঘটনায় তিনজনের মৃত্যু হয়েছে। আহত হয়েছেন কমপক্ষে ১০ জন। পেঁচারথল থানার o/c সুমন আচার্য জানান, আজ দুপুর দেড়টা নাগাদ সড়কপথের বাঁকে একটি যাত্রীবাহী মেক্সিমো'র সাথে ছয় চাকার মালবাহী ট্রাকের মুখোমুখি সংঘর্ষ ঘটে। প্রবীর সিনহা নামে একত্রিশ বছরের এক ব্যক্তির দুর্ঘটনার কিছুক্ষণের মধ্যেই মৃত্যু হয়। নিহতের বাড়ী ধর্মনগর মহকুমার রাগনা গ্রামে। আজ সন্ধ্যায় কৈলাশহরস্থিত জেলা হাসপাতালে দুর্ঘটনায় আহত আরও দু'জনের মৃত্যু হয়েছে। আহতদের মধ্যে চারজনকে উন্নত চিকিৎসার জন্য আগরতলা পাঠানো হয়। বাকীদের চিকিৎসা চলছে ঊনকোটি জেলা হাসপাতালে।

পুলিশ মালবাহী ট্রাকের চালককে গ্রেপ্তার করেছে।

\*\*\*\*\*

#### **DM-North :**

উত্তর জেলা সদর ধর্মনগরের জেলাশাসক দেবপ্রিয় বর্ধন আজ সাংবাদিক সম্মেলনে জানান পূর্ব ত্রিপুরা লোকসভা আসনে ২৬শে এপ্রিল সকাল সাতটা থেকে বিকেল পাঁচটা পর্যন্ত ভোট নেয়া

হবে। এখন পোস্টাল ব্যালটের কাজ চলছে। তিনি জানান, ধর্মনগরে ফেসিলিটিং সেন্টার খোলা হয়েছে, বিভিন্ন মহকুমাতে এই সেন্টার রয়েছে। পূর্ব ত্রিপুরা লোকসভা নির্বাচনের পোস্টাল ব্যালটের ভোটগ্রহণ হবে ২২ এবং ২৩শে এপ্রিল।

অন্যদিকে উত্তর জেলা পুলিশ সুপার ভানুপদ চক্রবর্তী জানান নির্বাচনী কাজে কর্তব্যে গাফিলতির জন্য দামছড়া থানার এ এস আই এন ত্রিপুরাকে চাকরি থেকে সাময়িক বরখাস্ত করা হয়েছে। তিনি জানান প্রতিদিন ফ্লাগ মার্চ, হোটেল চেকিং, গাড়ি চেকিং হচ্ছে। তিনি বলেন, পুলিশ এবং প্রশাসন, অবাধ ও শান্তিপূর্ণ নির্বাচন করতে সব ধরনের সহায়তার জন্য প্রস্তুত।

\*\*\*\*\*

**ECI :**

নির্বাচন কমিশন জানিয়েছে, আদর্শ আচরণবিধি কার্যকর হওয়ার পর থেকে বিভিন্ন রাজনৈতিক দল ও প্রার্থীদের কাছ থেকে প্রায় দুই শতাধিক অভিযোগ জমা পড়েছে। প্রাপ্ত মোট অভিযোগের মধ্যে ১৬৯টি ঘটনায় ব্যবস্থা নেওয়া হয়েছে। ১৬ই মার্চ লোকসভার সাধারণ নির্বাচনের ঘোষণার সঙ্গে সঙ্গে আদর্শ আচরণবিধি কার্যকর হয়। কমিশন জানিয়েছে যে বিজেপির কাছ থেকে ৫১টি, কংগ্রেসের ৫৯টি এবং অন্যান্য রাজনৈতিক দলগুলির থেকে ৯০টি অভিযোগ পেয়েছে। কমিশন জানিয়েছে, রাজনৈতিক দলগুলোর আদর্শ আচরণবিধি মেনে চলার বিষয়টি সন্তুষ্টিজনক এবং বিভিন্ন দল ও প্রার্থীদের প্রচারও অনেকটাই বিশৃঙ্খলামুক্ত। নারীদের বিরুদ্ধে অবমাননাকর ও আপত্তিকর মন্তব্যকারী দলীয় নেতাদের নোটিশ জারি করে নারীর মর্যাদা ও সম্মানের বিষয়ে কমিশন বিশেষভাবে দৃঢ় অবস্থান নিয়েছে।

\*\*\*\*\*

### **Basanti Puja :**

আজ বাসন্তী অষ্টমী এবং অশোকাষ্টমী। প্রতিবছরের মতো এবারও সিমনার ব্রহ্মকুণ্ডে অশোকাষ্টমী উপলক্ষে প্রচুর ধর্মপ্রাণ মানুষের সমাগম ঘটে। বসেছে মেলাও। দূর দূরান্ত থেকে সাধুসন্তরা এসেছেন। আজ ভোর থেকেই মানুষ ব্রহ্মকুণ্ডে অবগাহন করে, পিতৃপুরুষের উদ্দেশ্যে তর্পণ করেন। আগরতলার পশ্চিম প্রতাপগড়ে হাওড়া নদীর ঘাটেও প্রচুর পুণ্যার্থীর সমাগম হয়। নদীতে স্নান করে পূর্বপুরুষদের উদ্দেশ্যে তর্পণ করেন অনেকে। এ উপলক্ষে মেলা বসেছে।

\*\*\*\*\*

### **Holy Bath-UNAKOTI :**

অশোকাষ্টমী বা বাসন্তী অষ্টমী উপলক্ষে আজ ভোরে শতশত পুণ্যার্থী ঊনকোটীর পবিত্র সীতাকুণ্ডে পূণ্য অবগাহন করেন। অনেকে ঊনকোটিশ্বর শিবের পূজাও দেন।

এদিকে বাসন্তী অষ্টমী উপলক্ষে ঊনকোটি জেলার অনেক স্থানে মেলাও বসেছে।

\*\*\*\*\*

### **Sangrain Festival :**

দক্ষিণ জেলার জোলাইবাড়ি ব্লকের পূর্ব চরকবাইয়ের কং মগ পাড়ায় দুইদিনের রাজ্যভিত্তিক সাংগ্রাই উৎসবের আজ শেষ দিন। উৎসবের সমাপ্তি অনুষ্ঠানে সাংগ্রাই উৎসব উপলক্ষে আয়োজিত পরম্পরাগত দেশীয় খেলায় বিজয়ীদের পুরস্কার প্রদান

করা হয়। উৎসবের সাংস্কৃতিক মঞ্চে রাজ্যের বিভিন্ন প্রান্তের সাংগ্ৰাই নৃত্য দল সহ অন্যান্য জনগোষ্ঠীর সাংস্কৃতিক দলগুলি অনুষ্ঠানে অংশ নিয়েছেন। উৎসব উপলক্ষে বিরাট মেলা বসেছে কং মগ পাড়ায়।

\*\*\*\*\*

**BJP :**

বিজেপি মহিলা মোর্চার উদ্যোগে আজ আগরতলা পুরনিগমের মেঘলিমুড়া এলাকায় পশ্চিম ত্রিপুরা লোকসভা আসনের বিজেপি মনোনীত প্রার্থী বিপ্লব কুমার দেবের সমর্থনে বাড়ি বাড়ি ভোট প্রচার করা হয়। এই প্রচার কর্মসূচিতে অংশগ্রহণ করেন বিজেপি প্রদেশ মহিলা মোর্চার সভানেত্রী মিমি মজুমদার, স্থানীয় কাউন্সিলর শম্পা সেন সরকার সহ মহিলা মোর্চার নেতৃত্বদ।

\*\*\*\*\*

**BJP, Mayor :**

প্রচারের প্রায় শেষ লগ্নে রামনগর বিধানসভা উপনির্বাচনে বিজেপি প্রার্থী দীপক মজুমদার আজ সকালে শংকর চৌমুহনি এলাকায় বাড়ি বাড়ি প্রচার করেন। তার সঙ্গে ছিলেন বিজেপির কার্যকর্তারা। প্রচারে বেরিয়ে তিনি বলেন, উন্নয়নের নিরিখে মানুষ বিজেপিকে ভোট দেবে।

\*\*\*\*\*

**CPIM Deputation :**

পশ্চিম ত্রিপুরা লোকসভা আসনের নির্বাচনে বিলোনিয়া মহকুমায় অবাধ সুষ্ঠুভাবে ভোট গ্রহণের ব্যবস্থা করার দাবি জানিয়েছে

সিপিআইএম। আজ এই দাবিতে সিপিআইএম-এর এক প্রতিনিধি দল দক্ষিণ জেলার নির্বাচনী আধিকারিক তথা জেলা শাসক সিদ্ধার্থ শিব জয়সওয়াল ও মহকুমা শাসক রিংকু লেথারের সঙ্গে সাক্ষাৎ করে স্মারকলিপি প্রদান করেন। রাজনগর ও বিলোনিয়া বিধানসভা এলাকায় অবাধ ও শান্তিপূর্ণ পরিবেশে নির্বাচনের জন্য পুলিশী টহলকারী বাড়ানো, ভোটের দিন বহিরাগতদের প্রবেশ নিষিদ্ধ করা ও পোলিং এজেন্টদের ভোট কেন্দ্রে যাওয়ার ব্যবস্থা সুনিশ্চিত করার জন্য সিপিআইএম এক প্রতিনিধি দল দাবি জানিয়েছে। প্রতিনিধি দলে ছিলেন বিধায়ক দীপংকর সেন, সিপিআইএম বিলোনিয়া মহকুমা সম্পাদক তাপস দত্ত, সিপিআইএম নেতা বিজয় তিলক প্রমুখ।

\*\*\*\*\*

**Nari Sammittee :**

লোকসভায় রাজ্যের দুই আসন এবং রামনগর বিধানসভা কেন্দ্রের উপনির্বাচনে ইন্ডিয়া জোটের প্রার্থীদের জয়ী করার আহ্বান জানিয়েছে সারা ভারত গনতান্ত্রিক নারী সমিতি। আজ সংগঠনের সভানেত্রী রমা দাস আগরতলায় সমিতির অফিসে সাংবাদিক সম্মেলনে অভিযোগ করেন, দেশে গনতন্ত্র বিপন্ন। তাই আসন্ন লোকসভা নির্বাচন দেশবাসীর কাছে একটি চ্যালেঞ্জ।

\*\*\*\*\*

**CEO on TSR vote :**

মুখ্য নির্বাচনী আধিকারিক পুনীত আগরওয়াল আজ জানিয়েছেন, এই প্রথম রাজ্যের বাইরে অবস্থানরত টিএসআর জওয়ানরা

পোস্টাল ব্যালটে ভোট দিয়েছেন। এই দুটি ব্যাটেলিয়ান রয়েছে ছত্তিশগড় এবং দিল্লিতে।

\*\*\*\*\*

**Manik Saha Campaign :**

বিজেপি দলের বরিষ্ঠ নেতা তথা মুখ্যমন্ত্রী অধ্যাপক ডাঃ মানিক সাহা অভিযোগ করেছেন আসন্ন লোকসভা নির্বাচনে লড়াই করার জন্য বিরোধীদের কাছে কোন উল্লেখযোগ্য বিষয় নেই। তাই নির্বাচনে মানুষ বিজেপি দলকেই জয়ী করবে বলে দাবি করেন তিনি। আজ পশ্চিম ত্রিপুরা আসনে ভারতীয় জনতা পার্টি মনোনীত প্রার্থী বিপ্লব কুমার দেবের সমর্থনে খয়েরপুর মন্ডলের উদ্যোগে আয়োজিত নির্বাচনী জনসভায় বক্তব্য রাখতে গিয়ে একথা বলেন মুখ্যমন্ত্রী। সভায় উপস্থিত ছিলেন বিধায়ক রতন চক্রবর্তী, মন্ডল সভাপতি সহ অন্যান্য বিশিষ্ট অতিথিগণ।

\*\*\*\*\*

**INDIA Bloc-Sepahijala :**

সোনামুড়া মহকুমার রবীন্দ্র চৌমুহনীতে আজ পশ্চিম ত্রিপুরা লোকসভা আসনে কংগ্রেস প্রার্থী আশীষ কুমার সাহার সমর্থনে এক নির্বাচনী জনসভা অনুষ্ঠিত হয়। সভা শুরুর আগে কংগ্রেস - সি.পি.আই.এমের একটি যৌথ মিছিল সোনামুড়া শহরের বিভিন্ন পথ পরিক্রমা করে। সভায় প্রধান বক্তা হিসেবে উপস্থিত ছিলেন প্রাক্তন মুখ্যমন্ত্রী মানিক সরকার। তিনি তাঁর ভাষণে রাজ্য সরকার ও কেন্দ্রীয় সরকারের সমালোচনা করেন। সভায় অন্যান্যদের মধ্যে উপস্থিত ছিলেন বিধায়ক শ্যামল চক্রবর্তী, কংগ্রেস নেতা ইদ্রিস মিয়া সহ অন্যান্য নেতৃবৃন্দ।

\*\*\*\*\*

### **Training of Micro-Observers-Kailashahar :**

লোকসভা নির্বাচনকে সামনে রেখে আজ কৈলাশহরে মাইক্রো-অবজারভারদের প্রশিক্ষণ কর্মসূচি অনুষ্ঠিত হয়। কর্মসূচিতে উপস্থিত ছিলেন নির্বাচন কমিশনের সাধারণ পর্যবেক্ষক শচীন্দ্র প্রতাপ সিং, ঊনকোটি জেলার জেলা শাসক দিলীপ কুমার চাকমা, অতিরিক্ত জেলা শাসক অর্ঘ্য সাহা প্রমুখ। আজ প্রথম পর্যায়ের প্রশিক্ষণ কর্মসূচিতে ৯০ জন মাইক্রো-অবজারভার অংশ নেন। আসন্ন নির্বাচনে ঊনকোটি জেলাতে ১৭২ জন কেন্দ্রীয় কর্মচারী মাইক্রো-অবজারভার হিসাবে থাকবেন। তারা নির্বাচন কমিশনের সাধারণ পর্যবেক্ষকদের কাছে রিপোর্ট পেশ করবেন। আজকের প্রশিক্ষণ কর্মসূচিতে মাইক্রো-অবজারভারদের করণীয় কর্তব্য সম্পর্কে অবহিত করা হয়। তাছাড়া তথ্যচিত্র উপস্থাপনার মাধ্যমেও প্রশিক্ষণ দেওয়া হয়েছে।

\*\*\*\*\*

### **Women's Cricket :**

টিসিএ পরিচালিত মহিলাদের ঘরোয়া একদিনের সীমিত ওভারের ক্রিকেট প্রতিযোগিতার গ্রুপ পর্বের শেষ দুটি খেলায় আজ এডি নগর কোচিং সেন্টার ও ব্লাডমাউথ ক্লাব জয়লাভ করেছে। তালতলা মাঠে অনুষ্ঠিত খেলায় এডি নগর কোচিং সেন্টার ৯ উইকেটে নিউ প্লে সেন্টারকে পরাজিত করে। এদিকে মেলাঘরে অনুষ্ঠিত অপর খেলায় ব্লাডমাউথ ক্লাব ১৯২ রানে তরুণ সংঘ কোচিং সেন্টারকে হারিয়ে দেয়।

\*\*\*\*\*

## State wise 15 Cricket :

টিসিএ পরিচালিত অনূর্ধ্ব ১৫ বছরের রাজ্যভিত্তিক ক্রিকেট প্রতিযোগিতার গ্রুপ পর্বের আজ আরো ৬টি খেলা হয়। এতে তেলিয়ামুড়ার মাঠে সদর-বি ১ উইকেটে স্বাগতিক তেলিয়ামুড়াকে, রাণীরবাজার মাঠে বিশালগড় ৮ উইকেটে সোনামুড়াকে, বিশালগড়ের মাঠে সদর-এ ১০৫ রানে মোহনপুরকে, ধর্মনগরের মাঠে গন্ডাছড়া ১০ উইকেটে কৈলাসহরকে, কৈলাসহরের মাঠে কমলপুর ৩৬ রানে ধর্মনগরকে এবং শান্তিরবাজার মাঠে স্বাগতিক বিলেনীয়া ১৪ রানে অমরপুকে পরাজিত করে।

\*\*\*\*\*

## Weather :

আজ রাজ্যের সর্বোচ্চ তাপমাত্রা ৩৮.৪ ডিগ্রি সেলসিয়াস। গতকালের তুলনায় আজ তাপমাত্রা এক ডিগ্রী বেড়েছে। সর্বনিম্ন তাপমাত্রা ২৪ দশমিক তিন ডিগ্রী সেলসিয়াস। আগামীকাল আকাশ আংশিক মেঘাচ্ছন্ন থাকবে। দু এক জায়গায় মাঝারি পর্যায় বজ্র বিদ্যুৎ সহ বৃষ্টিপাতের সম্ভাবনা রয়েছে। আগামীকাল তাপমাত্রা সর্বোচ্চ ৩৬ ডিগ্রি এবং সর্বনিম্ন ২৬ ডিগ্রি সেলসিয়াসের কাছাকাছি থাকবে। আগামী ২৪ ঘন্টায় রাজ্যের সব জেলায় বিক্ষিপ্তভাবে বজ্র বিদ্যুৎ সহ বৃষ্টিপাতের সতর্কতা জারি করেছে আবহাওয়া দপ্তর।

\*\*\*\*\*